

ԿԱՐԼ ՄԱՐՔՍԸ ԵՒ ՄԱՐՔՍԻԶՄԸ *)

I

Մարքսի կեանքը, սոցիալ-քաղաքական, հրապարակախօսական գործունէութիւնը եւ գրական վաստակները:

Segui il tuo corso e lascia dir le genti!

Հետեիր ճանապարհիդ, և թող
մարդիկ խօսեն, ինչ ուզում
են:

Դալսէ:

10.

Ֆերդինանդ Լասալի գործունէութիւնը—Մարքսը և Լասալը—Համեմատական գծեր Մարքսի և Լասալի մասին, իբրև գիտնական դէմքեր—Նմանութիւններ և տարբերութիւններ—Նրանց գրական սիմպատիաները—Մարքսի մատերիալիզմն ու Լասալի իդէալիզմը:

Թէև Գերմանիայի բանուորութիւնն ու դեմօկրատիան իսպառ զրկուեց իր կոմունիստական և յեղափոխական լաւագոյն ոյժերի—Մարքս-Էնգելսի—ներկայութիւնից և կենդանի աջակցութիւնից, այնուամենայնիւ Գերմանիայում անտարբերութեան չմատնուեց կոմունիստական պրօպագանդն ու շարժումը: Մի վառվռում, մինչև ոսկորների ծուծը յեղափոխական երիտասարդ, մի հանճարեղ հոնտոր ու ազիտատոր շարունակեց մեծ կոմունիստների գործը: Դա Ֆերդինանդ Լասալն էր՝ արեւմտեան և միջին Գերմանիայի բանուորական շարժման այնքան հռչակաւոր պարագլուխը 50-60-ական թուականներին: Լասալի տունը (Դիւսելդօրֆում) եղել է մշտական ապաստարանը բոլոր հալածուողների և քաղաքական յանցաւորների համար: Լասալի նամակները, ուղղած Մարքսին, պարզ

*) Տես «Մուրճ» № 1, 2 և 3.

ցոյց են տալիս, թէ ինչպիսի անդուլ ջանքերով ու անվհատ յոյսերով է նա մասնակցել բանուորական շարժման ու կոմունիստական պրօպագանդին այն ժամանակ, երբ թեւաւորուած ընկերային անպարտելի արշաւանքներով ճնշուած, հալածուած ու կործանուած էր ամեն բան, ինչ յեղափոխական ու կոմունիստական էր: Հակառակ ոստիկանական հետապնդումներին, Լասալը կենդանի յարաբերութեան մէջ էր Հոենստի բանուորներին հետ, Կարդուժ էր նրանց ժողովներում դասախօսութիւններ, օժանդակում նրանց դրամով և այլն:

«Ա՛խ, դուք չէք պանդուխտը»,—գրում էր Լասալը Մարքսին 1857 թ. 26-ին ապրիլի,—«այլ ես: Որովհետեւ կոռուղ հին ընկերներին և համախոհներին խուժք էք ներկայացնում դուք ժողովուած միենոյն քաղաքում: Իսկ ես տարիներ շարունակ ապրում եմ՝ բողոքովին միայնակ, առանձնացած հին զինակիր եղբայրներից: Իսկապէս շատ ծանր է այս դրութիւնը: Բացի բանուոր դասակարգից, որ իր սիրտն ու միտքը պահպանել է այնքան առողջ ու թարմ դրութեան մէջ և շարունակ զարգացնում է իրան, ֆրանցած խաւերի՝ այսպէս անուանուած կրթուած մարդկանց մէջ, տիրում է նոյն ատելութիւնը, երկիւղն ու կղզիացման ոգին, ինչպէս առաջ...» (39)

Այստեղ առանձնապէս ծանրանալ Լասալի գործունէութեան վրայ, չի ներում, իհարկէ, մեր նիւթի ծաւալը: Այնքան, որքան մինք մարքզիսմի մասին խօսելու ժամանակ կանգ կառնենք նախամարքսիստական սօցիալիզմի և Մարքս-էնգելսի ժամանակակից բանուորական շարժման վրայ, այնքան էլ խօսք կլինի Լասալի սօցիալ-քաղ. քական գործնէութեան մասին: Մակայն հէնց այստեղ մենք կարևոր ենք համարում յիշատակել մի քանի նամեմատական գծեր ժամանակակից այն խոշոր դէմքերին—Մարքսի և Լասալի—մասին, որոնց գործնէութեան կօնկրեաւ արտայայտութիւնները (մարքսիստներն ու լասալիստները)՝ միենոյն քաղաքական միջնավայրում, զուգնթացաբար յառաջադիմել և զրկախառնուել, ձուլուել են իրար հետ ապագայում:

Աւելի քիչ են այն կէտերն ու դժերը, որոնք բաժանում են այդ մարդկանց միմիանցից, քան այն, որոնք միացնում են նրանց: Ընդհանուր առմամբ, երկուան էլ արդիւնք են միենոյն կրթական շրջանի—Հեգելեան դպրոցի, թէև մէկի թէ միւսի վերաբերմունքը դէպի գերմանական կլասիք փիլիսոփայու-

³⁹⁾ Fr. Mehring, «Geschichte der deutschen Sozialdemokratie» հատ. II էր. 239.

թիւնը՝ ընդհանրապէս, և Հեգելեանիզմը՝ մասնաւորապէս, շատ են տարբերուում միմիանցից:

Երկուսն էլ յեղափոխական շրջանի յեղափոխական տիպերն են: Մինչդեռ Լասալը մշակելով գիտական մի հսկայական նիւթ և ուսումնասիրելով տիրապետող կարգերի իրաւական հիմքերը, աշխատում էր գտնել ամենաուժեղ միջոցը բիւրգեւրական հասարակութիւնը յեղափոխելու, Մարքսը, ընդհակառակը, մասնագիտական խորագննին հետազօտութեամբ վերլուծել և լուսարանել է այն յեղափոխական մղիչ ոյժերի հիմքերը, որոնք յեղադրջում են բիւրգեւրական հասարակութիւնը:

Եթէ Մարքսի և Լասալի տարբերութիւնները պատկերացնենք մեզ որոշ առաձգականութեամբ ըստ այն տարբերութիւնների, որ ունեն գրականական խոշոր դէմքերը՝ նրանց սիրելի գրողները, պատմական անցեալում, կը գտնենք մօտաւորապէս հետևեալը: Մարքսի սիրած հեղինակները եղել են միշտ՝ Հոմերը, Դանտէն, Շէկսպիրը, Սերվանտէսը և նորերից Բալզակը: Իսկ Լասալինը եղել են՝ Հուտեն, Լեսինգը, Ֆիխտէն և նորերից Պլատենը: Սրանք հիմնապէս տարբեր գրական տիպեր են: Այնտեղ, առաջին շարքում, փայլում են այնպիսի մեծութիւններ, որոնց գրական գործերը վերաբաղում են իրանց մէջ ամբողջ դարեշրջանի պատկերը այն աստիճան օրինկտիւ կերպով, որ առաւել կամ պակաս Կափերով, նոյն իսկ ամբողջապէս չքանցում են սուրբիկտիւ մնացորդները, որ, աւելի որոշ արտայայտելով՝ ստեղծագործող սուրբիկտները անյայտաւունք են մթութեան մէջ՝ իրանց ստեղծագործած բարձր կոթողների յետև: Երկրորդ շարքի մէջ, ընդհակառակը, հանդիպում ենք այնպիսի գլուխների, որոնց երկերի մէջ ոչ թէ գտնում ենք մենք իրականութեան օրինկտիւ պատկերը, այլ իրականութեան անդրադառնումը, ձուլուած ու բովուած՝ գրող սուրբիկտների մտաւոր-հոգեկան խառնարանի, ձուլարանի մէջ:

Թուած երկու կարգի հեղինակները, լինելով Մարքսի և Լասալի այսպէս անուանուած գրականական սիմպատիաները, չեն կարող, ի հարկէ, ծառայել իբրև այնպիսի օրինակներ, որոնք սպառէին բոլոր տարբերութիւնները ճշգրտութեամբ՝ Մարքսի և Լասալի մէջ: Դա համեմատութիւն էր միայն մի որոշ տեսակետից:

Իբրև գիտնական մեծութիւններ՝ բազմակողմանիութեամբ և աշխարհայեացքով, նրանք դարձեալ տարբեր տիպեր էին:

Մարքսի մտաւոր հօրիզոնը, ընդգրկում էր անհամեմատ մեծ սահման, տիրում շատ աւելի բազմաթիւ մասնաձիւղերի, քան Լասալինը: Մինչդեռ Մարքսի, ինչ-

պէս և էնգելսի համար մտաւոր լարուած զբաղմունքները, գիտնական հետազոտութիւնները առաջնակարգ նշանակութիւն են ունեցել, Լասալի համար, ընդհակառակը, այդ բոլորը համեմատաբար երկրորդական տեղ են զբաւել: Գործնական աշխատանքը, բանուորական շարժումը ամբողջապէս կլանել էին Լասալի անհատական ոյժերը: «Որքան սիրով կուզենայի—գրում է Լասալը Էնգելսին—գրի չանցնել այն, ինչ որ գիտեմ, եթէ միայն ինձ յաջողուի դրա փոխարէն անելու այն, ինչ մենք կարող ենք»: 40) Էնգելսը Մարքսի համար ասում է հետևեալը. «Ո՛րքան ուրախ կը լինէր նա մի նոր գիւտով ու բացումով որևէ տեսական գիտութեան մէջ, որի գործնական կիրառումը թերևս նախատեսել ղեռ անկարելի լինէր. սակայն բոլորովին այլ ուրախութիւն էր զգում նա (Մարքսը), եթէ մի նոր գիւտ կամ բացում իսկոյն գործադրուէր ինդուստրիայի (արդիւնագործութեան) մէջ կամ առհասարակ պատմական զարգացման համար»: 41) Լասալի համար գիտութիւնը արժէք ունէր միայն այնքան, որքան նրան, իբրև մի յեղափոխական միջոցի, կարելի էր կիրառել պատմական զարգացման վրայ:

Սակայն ամենաաչքի զարնող և շոշափելի արտայայտուած տարբերութիւնը՝ Մարքսի և Լասալի մէջ, կազմում էր մէկի մատերիալիստական եւ միւսի իդէալիստական աշխարհայեացքը: Լասալը Հեգելի դպրոցում կնքուած իդէալիստ էր և պատկանում էր նոյն իսկ ոչ ձախակողմեան-արմատական թեւին, այլ հին աջակողմեան հեգելեանների շարքին: Նա ընդունում էր խորին հաւատով Հեգելի սպեկուլատիւ գաղափարը, իբրև մի առաջ-մղիչ ոյժ համաշխարհային պատմութեան: Սակայն նա չէ մա սնակցել Շտրաուսի, Բրունո-Բաուէրի, Ֆոյերբախի նման՝ կազմալուծող կլասիք փիլիսոփայութեան առթիւ մղուող բանակռուին: Եւ այս ասածներից չպէտք է եզրակացնել, անպայման, որ Լասալի իդէալիզմը ուղղուած էր Մարքսի մատերիալիզմի դէմ,—որի մասին մենք յետոյ կը խօսենք մանրամասն կերպով: Այն, ինչ կապում, միացնում էր Լասալին իդէալիզմի հետ, դա իդէալիզմի մէջ որակուած յեղափոխական ոգին էր. այդ է պատճառը, որ իդէալիստ-յեղափոխական Ֆիխտէն,—Ֆրանսիական յեղափոխութիւնը այնպիսի վառ կրքոտութեամբ ըմբռնող

40) Фр. Марингъ, „Письма Ферд Лассаля къ К. Марксу и Ф. Энгельсу“, кр. 140.

41) Fr. Mehring, „Geschichte der deutschen Sozialdemokratie“ հատ. II, кр. 245.

փիլիսոփան,—ամենից շատ էր սիրուած Լասալից: Ապա թէ ոչ Լասալը ունէր մի սուր հոտառութիւն կեանքի դրականն ու բէալականը ըմբնելու և դնահատելու:

Լասալի իդէալիզմը տարբերուած է Մարքսի պատմական մատերիալիզմից նրանով, որ Լասալը պրօլետարիատի դասակարգային կռուի պայմաններն ու անհրաժեշտութիւնը դիտում ու որոնում էր ոչ թէ տնտեսական յարաբերութիւնների մէջ, այլ նա այդ բոլորը վերածում էր նախ իդէալիստական մտածողութեան ձևերի—փիլիսոփայական և իրաւագիտական մտածողութեան. բայց մի մտածողութեան ձև, որ այնքան յատուկ էր բիւրգերական յեղեղուկ դարեշրջանին: Սակայն, այսպէս թէ այնպէս, բացի Մարքս-էնգելսից չի եղել այդ շրջանում մի այլ խոշոր դէմք, որ այնքան խորապէս ըմբռնէր պրօլետարիատի դասակարգային կռուի համաշխարհային-պատմական մեծ նշանակութիւնը, որքան Լասալն էր: Եւ այդ տեսակէտից Լասալը մի համոզուած կոմունիստ էր «Կոմունիստական մանիֆեստի» իմաստով: Եթէ, իրաւ, Լասալը իբրեւ պրօլետարական դասակարգային իդէօլոգ ցածր էր կանգնած իր ըմբռնողութեան աստիճանով Մարքս-էնգելսից, ապա, անկասկած, նա շատ բարձր էր կանգնած իր ժամանակակից բիւրգերական իդէօլոգներին՝ ձախակողման-արժատական բանակի մէջ—երիտասարդ հեգելեաններին՝ փիլիսոփայական սահմանում, Րօտբերտուսից՝ տնտեսական և Եօհան Եակօբից՝ քաղաքական սահմաններում:

11.

Մարքսի առաջին տնտեսագիտական աշխատութիւնը—Ապրանք և փող—Ապրանքի գործածութեան և փոխանակութեան արժէքը—Փողի զանազան ֆունկցիաները—Իտալիայի պատերազմը 59 թ. և Մարքսի բանակաւոր Կարլ Յոգտի հետ:

Մարքսի երկար տարիների գիտնական զբաղմունքների արդիւնքը լոյս է տեսնում 1859 թ., կրելով «Zur Kritik der politischen Oekonomie» («Բաղաքատնտեսութեան քննադատութեան մասին») վերնագիրը: Դա Մարքսի առաջին գիտական լուրջ վաստակն էր տնտեսագիտական հետազոտութիւնների սահմանում:

Երկար կանգ առնել ինչպէս այս, այնպէս և Մարքսի գալիք մեծ աշխատութիւնների զանազան մասերի վրայ, չէ ներդրում, իհարկէ, մեր յօդուածների սերիայի առաջին բաժնի ծաւալը: «Մարքսիզմի» բաժնի մէջ միայն մենք առիթ կ'ունենանք

ընդարձակ և սիստեմատիք խօսելու Մարքսի շօշափած ու լուսաբանած շատ ու շատ խնդիրների և երևոյթների մասին: Այստեղ միայն բիշ ծանրանանք ընդհանուր բովանդակութեան վրայ:

«Քաղաքատնտեսութեան քննադատութեան մասին» վերնագրով աշխատութիւնը պիտի առաջին հատորը լինէր նոյն ծրագրով ապագայում գրուելիք մի շարք հատորների: Եւ այդ նոյն վերնագրի տակ Մարքսը պիտի շօշափէր մի շարք ծանրակշիռ խնդիրներ ու տնտեսական կաթեզօրիաներ՝ յատուկ կապիտալիստական արդիւնաբերութեան դարեշրջանին:—Ապիտալ, կալուածատիրութիւն, (կամ հողային սեփականութիւն) վարձու աշխատանք, պետութիւն, ւարտաքին առեւտուր, համաշխարհային շուկայ (կամ վաճառանոց): Իր առաջին հատորի մէջ, Մարքսը խօսում է միայն կապիտալի մասին ընդհանրապէս, ընդարձակ պարզաբանելով միայն ապրանքի և փողի ֆունկցիաները, պատմութիւնը: Մնացած մասերը այլևս այդ ծրագրով և այդ վերնագրի տակ չէ հետազօտում Մարքսը, այլ ութ տարի անցած արտադրում է իր մտաւոր հսկայ երկը՝ «Կապիտալը» և այդտեղ ուրիշ սիստեմով ուսումնասիրում տնտեսական կաթեզօրիաները:

«Քաղաքատնտեսութեան քննադատութիւնը» էապէս ուրիշ ոչինչ չէ, բայց եթէ «Կապիտալի» առաջին հատուածը, ուր սակայն, դուրս է ձգուած արժէքի և փողի պատմութիւնը:

Մարքսը տալիս է նախ իր գրքի յառաջաբանում մի փոքրիկ նկարագիր իր կրթական-ուսումնական անցեալից: Թէև Մարքսի ուսումնասիրութեան մասնաճիւղը եղել է իրաւաբանութիւնը, այնուամենայնիւ դա ստորադաս նշանակութիւն է ունեցել նրա համար. նա նուիրուած է եղել առաւելապէս փիլիսոփայական և պատմական գիտութիւններին: Տնտեսական հարցերով նա զբաղուել է աւելի ուշ, կեանք մտնելուց՝ իր հրապարակախօսութեան առաջին շրջանում, երբ խմբագրում էր (1842—43) «Rheinische Zeitung»-ը:

Ապա Մարքսը կլասիք ձևերի մէջ մշակած առաջ է բերում յառաջաբանում պատմական մատերիալիզմի վերաբերեալ այն հռչակաւոր դեֆինիտիօնը (սահմանաւորումը), որ մինչև օրս էլ համարւում է մատերիալիստական աշխարհայայացքի էսսենցը, կորիզը: Դրա և դրա լուսաբանութեան մասին մենք կը խօսենք յետոյ, իր տեղին:

«Առաջին հայեացքից իսկ քննարկական հարստութիւնը երևում է որպէս ապրանքների մի անբաւ ու հագին կուտակում, իսկ իւրաքանչիւր ապրանք երևում է որպէս մի էլեմեն-

տար զոչացութիւն»—այսպէս է սկսում Մարքսը իր հետազոտութիւնը: Նա ուսումնասիրում է հասարակութեան մի որոշ պատմական ճնշում: Նա չէ պնդում, թէ ինչպէս պէտք է կամ պիտի լինեն ապրանքն ու փողը ընդհանուր փոխադրական մտքով, այլ թէ ինչպէս են նրանք իրապէս արդի բիւրգերական հասարակութեան մէջ: Մարքսը հիմնական քննութեան է ենթարկում աշխատանքի արժէք կազմող որակը, նա ցոյց է տալիս, թէ ինչ կարգի աշխատանքն է՝ ինչու եւ ինչպէս պէտք է արտադրում: Ապա նա վերլուծում է ապրանքի և փողի փոխադարձ յարաբերութիւնը: Նա մերկացնում է աշխատանքի հրկուստեք բնայլը նորադոյն հասարակութեան մէջ: Իւրաքանչիւր ապրանք ունի երկու կարգի արժէք՝ գործածութեան եւ փոխանակութեան արժէք: Մի իրի գործածութեան արժէքը արտայայտում է հէսց իրի գործածութեան կամ սպառման պրոցեսի մէջ: Տարբեր են անպայման ապրանք-իրերի գործածութեան եղանակն ու չափը: Օրինակ ցորենը, թուղթն ու կտուր իրեր են, որ ունեն տարբեր կարգի ու չափի գործածութիւն: Փոխանակութեան արժէքը աչքի է ընկնում ամենից առաջ իր քանակական յարաբերութեամբ, որի մէջ միմիանց հետ փոխանակում են գործածական արժէքները: «Գործածական արժէքները կազմում են անմիջական կենսական միջոցներ, իսկ այդ կենսական միջոցները իրանց կողմից արդիւնքներ են հասարակական կենանքի, հետեանք մարդկային կենանքի արտադրած ոյժի, ուրիշ խօսքերով դա առարկայացած աշխատանք է»: 42) Մարքսի այս խօսքերից պարզ երևում է, թէ որ աստիճան օրգանական յարաբերութեան մէջ է դնում նա մարդկային ֆիզիքական-արտադրողական ոյժը և այդ ոյժի արդիւնաբերած շօշափելի արդիւնքները, վերացնելով այն մթապատ քօղը, որով բիւրգերական վուլգէր-անտեսագէտները վարապտւում են միմեանցով պայմանաւորուած և իրար հետ սերտ շաղկապուած մեծութիւններն ու դրութիւնները—կենսական արժէքները և մարդկային արտադրողական ոյժը:

Իւրաքանչիւր իր, որպէս ապրանք, կազմում է մի անմիջական միութիւն գործածական և փոխանակութեան արժէքի: Ապրանքների իսկական յարաբերութիւնն ու առնչութիւնն արտայայտում է փոխանակութեան պրոցեսի ըզպէին: Սակայն ապրանքը, որպէս փոխանակութեան արժէք, դառնում է մի չափ, որով չափւում են բոլոր միւս ապրանքների արժէքները: Եւ ընդհակառակը, իւրաքանչիւր ապրանք, որով չափւում են

42) K. Marx, «Zur Kritik der politischen Oekonomie» հր, 3.

ուրիշ ապրանքների արժեքները, դառնում է փոխանակութեան արժեքի աղէքուատ գոյութիւնը: Այդպիսով մի ապրանքի մէջ, որպէս այդպիսին, լուծւում է իր մէջ պարունակուած նսկասութիւնը, և նա ինչպէս առանձին գործածական արժեք, ստանում է միաժամանակ ընդհանուր էքվիվալենտի նշանակութիւն, ուրեմն և ընդհանուր գործածական արժեք: Հէնց այդ ապրանքն է, որ կոչւում է փող:

Փողը ուրիշ ոչինչ չէ, բայց իթէ մի ապրանք, որի մէջ բիւրեղանում է ապրանքների փոխանակութեան արժեքը:

Փողային բիւրեղը կազմում է փոխանակութեան պրօցէսի մի անհրաժեշտ արդիւնքը: Նա զարգացել է բնազդական եղանակով, կտրելով պատմական երկար ճանապարհ: Որքան յառաջադիմում էր առևտուրը, և որքան փոխանակութեան արժեքները ապրանքներ էին դառնում. որքան, ուրեմն, փոխանակութեան արժեքը ինքնուրոյնանում է, առանց անմիջապէս կապուած լինելու գործածական արժեքի հետ, այնքան էլ նա աւելի էր մղւում դէպի փողի. առաջացման պահանջը, փողի կազմաւորումը:

Մտքըսը ընդարձակ պատմում է փողի սկզբնական տեսակները, նրա փոփոխուող ձևերը և զանազան ֆունկցիաները, ապա կանգ է առնում ազնիւ մետաղի, մանաւանդ ոսկու վրայ, և ցոյց տալիս վերջինիս առանձնայատկութիւնները, փող լինելու ամենից շատ առաւելութիւնները, ամենից աւելի ֆունկցիաներ ունենալու յարմարութիւնը:

Մարքսը նկարագրում է փողի խաղացած բազմակողմանի դերը բիւրեղեական հասարակութեան մէջ, լոյս սփռելով ամենուրեք այն տեղերը, ուր մութ ու միստիքական էին մինչև այդ ժամանակ բուրժուական տնտեսագէտների համար: Մարքսը թւում ու հիմնաւորում է փողի զանազան ֆունկցիաները, որպէս՝ վճարման միջոց, արժեքի մասշտաբ, շրջանառութեան միջոց, զանձնելու կամ պահպանելու միջոց: Մարքսը ինքն էր, որ առաջին անգամ ցոյց տուաւ փողի հասարակական արժեքը: «Արդի տնտեսագէտները մոռանում են, որ փողը մի սոսկ իր չէ, այլ ներկայացնում է իրանից արդիւնաբերութեան մի հասարակական յարաբերութիւն, սակայն մի բնական իրի ձևով, իր որոշ յատկութիւններով»:⁴³⁾

Ինչպէս նկատեցինք սկզբում, Մարքսը իր այդ գրքի մէջ հետազօտութեան օբիեկտ է ընտրում միայն ապրանքը և փողը: Շարունակութիւնը ընդհատուելով ամբողջ տարիներ, նա

⁴³⁾ K. Marx, Ibid, հր. 11.

կարողանում է միև ֆակտորներ, մանաւանդ իրա՝ կապիտալի, մասին խօսել միայն իր գլուխ գործոցի մէջ, որի վրայ կանգ կ'առնենք իր տեղին:

1859 թ. Կարլնստային մասնագէտը կրկին մատնւում է քաղաքականութեան ասպարէզը: Լուի Բօնապարտը, որ այնքան մեծ ջանքերով հոգում էր բուրժուազիայի դիկտատուրայի մասին, դարձել էր ժամանակակից եւրոպական բուրժուազիայի համար մի կիսաստուած. մասնաւորապէս սիրուած էր նա գերմանական բուրժուազիայից: Սակայն հէնց որ նա իր երեւող գահը ամրացնելու համար պաշտպան հանդիսացաւ Իտալիային և պատերազմ յայտարարեց Աւստրիայի դէմ, յանկարծ նա հռչակուեց որպէս պաշտպան ու նախանձախնդիր դեմօկրատական գաղափարների: Իսկ Պրուսական կառավարութիւնը, որ այն ժամանակ երազում էր Մեծ-Պրուսիա հիմնելու Աւստրիայի հաշուին, աշխատեց շահագործել լիբերալ բուրժուազիայի բարեթեք տրամադրութիւնը և պղտոր ջրում ձուկ որսալ: Լօնդօնում հիմնուած «Volk» («Ժողովուրդ») անունով մի լրագիր, որին աշխատակցում էին Մարքսը և իր ընկերները, մերկացնում է ամբողջ գաղտնիքը՝ Ֆրանսիական կառավարութեան «ազատագրական» քայլի միտքն ու նպատակը: Այդ դէպքը առիթ է տալիս Կարլ Ֆոգտ անունով մի վարձուած ֆիլիստրի, հայհոյանքներով լի մի պամֆլետ-գրուածք ուղղելու Մարքսի դէմ, որին Մարքսը մի փառաւոր, կլասիք բրօշուրայով՝ «Herr Vogt» («Պարոն Ֆոգտ») վերնագրով, պատասխանում է, փաստապէս հիմնաւորելով այն բոլորը, ինչ արծարծուել են «Volk»-ի մէջ Իտալիայի պատերազմի առթիւ: Ինչպէս էնգելսը իր «Po und Rhein» («Պօ և Հռենոս») գրքի մէջ՝ գրուած Իտալիայի պատերազմի առթիւ, այնպէս էլ Մարքսը իր աշխատութեան մէջ հերքում է այն թիւր կարծիքը, որ իբր Աւստրիայի տիրապետութիւնը Իտալեայում, համապատասխանում է գերմանական շահերին: Մարքսը ցոյց է տալիս, որ Իտալիայի, այսպէս ասած՝ բօնապարտիստական ազատագրութիւնը ուրիշ ոչինչ չէ, բայց եթէ մի առիթ, Ֆրանսիան՝ բօնապարտեան ճնշուած լծի տակ պահելու, Իտալիայի վրայ ուժեղացնելու իր ազդեցութիւնը, Ֆրանսիայի «բնական սահմանները» ձգելու գերմանական հողի վրայ, Աւստրիային դարձնելու Ռուսաստանի ձեռքին մի գործիք և այլն: Այս բոլոր գաղտնի շարժառիթներն էին, որոնց Մարքսը կլասիք վարպետութեամբ մերկացնում է իր գրքի մէջ, հակառակ կաշառուած Կարլ Ֆոգտի բօնապարտեան փառաբանութեան:

Մարքսը, ինչպէս և էնգելսը, հետազօտում են 1857 թ.

վրահասած մեծ առևտրական ճգնաժամի պատճառները և նրա առաջացման հետևանքները «New Yorker Tribune» թերթի մէջ:

12.

Բանուորական շարժումը արևմտեան Աւստրալիայում, Գերմանիայում, Անգլիայում և Ֆրանսիայում—Համաշխարհային ցուցահանդէսը Լոնդոնում—Անգլիա և Ֆրանսիա. բանուորների միտինգը ինպատու լեհական ապստամբութեան:—«Ինտէրնացիոնալ»-ի սկզբնաւորութիւնը:—Հիմնադրութեան պատճառներն ու առիթները:—Մ.—Մարտինի միտինգը:—«Տրէդ-ունիոնիստները և «Ինտերնացիոնալը»:—«Կոմունիստական Միութեան» և «Ինտերնացիոնալի» հիմնադրութեան մօմենտները:—«Ինտելեկտուալ աղբիւսի» առաջնորդող մարերը:—Հակամարտ տնտեսներ սեփականազուրկ և սեփականատէր դասակարգերի մէջ:—Տասը ժամեայ աշխատանքի օրինադրիժը և կոսպերատիւ շարժումը:—Պրօլետարիատի ազգային և միջազգային կազմակերպութիւնը:—Բանուոր դասակարգի արտաքին քաղաքականութիւնը:

Անցեալ դարու 60-ական թուականները սկզբներին նորից սկսում է եռւայ բանուորական շարժումը արևմտեան Աւստրալիայի առաջնակարգ երկրներում: Որքան զարգանում էր կապիտալիստական արդիւնաւորութիւնը և տոն տալիս հոկայական ձեռնարկութիւններին, որքան խտանում ու լճանում էր գործարանական պրօլետարիատը մայրաքաղաքներում, այնքան էլ ամուր հիմք է տրւում տրօլետարիատի կազմակերպչական գործին, այնքան էլ բանուոր դասակարգը կռուի նպատակաշարժար միջոցների համար հող է գրաւում իր ոտքի տակ: Եթէ բուրժուական յեղափոխութիւնների շրջանում պրօլետարիատը մի անկազմակերպ ու անծրագիր զանգուած էր, մոլթ ու անզիտակից սովորիս, ենթարկուած բուրժուական դեմօկրատիայի յեղափոխական տրամադրութեան ու ձգտումներին, ապա 60—

—70-ական թուականներին նա դրեթէ կապիտալիստական բոլոր երկրներում հետզհետէ կազմակերպւում է քաղաքականապէս և իր դասակարգային-կուսակցական ուրոյն դիրքը գրաւում քաղաքական կուսակցութիւնները շարքում: Ամեն մի պետութեան մէջ, ամեն մի ազգային շրջանակում առաջանում են պրօլետարական զատ-զատ կազմակերպութիւններ:

Գերմանիայում արդէն Լասալի ուժեղ ջանքերով հիմնուել էր «Der Allgemeine Deutsche Arbeiterverein» («Ընդհանուր-Գերմանական Բանուորական Խմբակցութիւն») անունով բանուորական մի ընկերութիւն 1863 թ. մայիսի 23-ին, որ դարձաւ միաժամանակ սաղմային սկզբնաւորութիւնը ներկայ գերմանական սօցիալդեմօկրատիայի: Անգլիայում գրեթէ բոլորովին չբացել էր չարտիստական-բանուորական շարժումը՝ ցա-

մաքային ներառյալով յեղափոխութեան ճնշումից յետոյ: Սակայն տատը ժաման անշատանքի օրինագիծը («Zehnstundebill»), որ այնքան թանգ գնով յաջողուեց անգլիական բանուորութեան իրականացնել, նոր ոգի ու եռանդ ներշնչեց պրօլետարիատի. առաջաւոր շարքերի մէջ: Արագ քայլերով յառաջագիւմեց նոր վերածնունդ տրէդ-ունիօնիզմը—պրօֆեսիօնալ բանուորական շարժումը Անգլիայում յատկապէս ինդուստրիալիզատ և առեւտրական քաղաքներում: 1857 թուականի առեւտրական իրիդիսը եկաւ անգլիական բանուորներին մի անգամ ևս ապացոյցանկու, որ նրանք չպէտք է յոյս ու ակնկալութիւն դնեն արդի բուրժուական հասարակութեան վրայ: Մանաւանդ խիստ մեծ դարկ տուաւ Արեւմտ. ներառյալի բանուորական շարժման Ամերիկայի քաղաքացիական խռիւր, որը, ըստ Մարքսի, նոյնքան մեծ խթան ու ազդակ եղաւ եւրոպական պրօլետարիատի համար, որքան Ամերիկայի անկախութեան կռիւը 18-րդ դարում եղաւ խթան ու ազդակ եւրոպական բուրժուազիայի համար: Անգլիական բանուորութեան արիստօկրատական խաւերը, որոնք սահմանափակուեցին միայն աշխատավարձի բարձրացման և աշխատանքի ժամանակի կրճատման կռուով, յետփոխեցին այդ ինքնախաբէութիւնից և տեղ գրաւեցին պրօլետարիատի դասակարգային կռուի միջազգային սահմանում:

Համեմատաբար աննպաստ դրութեան մէջ էր Ֆրանսիական պրօլետարիատը: Ոչ մի երկրում բանուոր դասակարգը այնքան ենթակայ չէ եղել զանազան աղանդաւորների խաղերին, որքան Ֆրանսիայում, որտեղ պրօլետարիատը խմբուած էր միմիանց հետեւող և միաժամանակ գոյութիւն ունեցող հակառակարո աղանդաւորների թշնամական բանակներում: Մեծ ուտօպիստների դպրոցներից յետոյ Ֆրանսիական բանուորութիւնը երկու գլխաւոր խմբերի էր բաժանուել՝ քլանքիստներ և պրոսլօնիստներ, որոնցից առաջինը բարրեկազմների կռուի, իսկ երկրորդը մանր-բուրժուական խաղերի մէջ էր որոնում պրօլետարիատի դասակարգային ազատագրութիւնը: Իսկ աւանտիւրիստ Բօնապարտը՝ բուրժուազիայի այդ կիսաառուածը, տրքնում էր ձրի ժողովրդականութիւն վաստակել նաև բանուոր դասակարգի մէջ: Նա հետևում էր ճիշտ այն նենգամիտ քաղաքականութեան, ինչպիսին փորձեց Բիսմարկը գերմանական պրօլետարիատի վերաբերմամբ 70-ական թուականներին՝ իր ընդհանուր, հաւասար, ուղղակի և գաղտնի ձայնաւորութեան քաղաքականութեամբ: Սակայն մենք գիտենք այսօր, թէ ինչ վաստակեց մէկը թէ միւսը իրանց լարած թակարդներէր: Բօնապարտը, օրինակ, նպաստեց Ֆրանսիական բանուորներին

ազատ ընտրելու իրանց պատգամաւորներին և ուղարկելու Լոնդոն 1862 թ. կայանալիք համաշխարհային ցուցահանդէսին:

Ֆրանսիական պրօլետարիատի ամենագիտակից ներկայացուցիչները Լոնդոնում շուտով մտերմացան տեղական բանուորութեան պարագլուխների հետ: Օգոստոսի 5-ին տեղի ունեցաւ յանուն «միջազգային եղբայրութեան» մի հանդէս զուտ բանուորական ներկայացուցիչներից, ուր արծարծուեւ է երկու ազգի բանուորներից մի սերտ, հաստատում ու տնական միութիւն հիմնելու միտքը: Յարաբերութիւններն աւելի սերտացան լեհական ապստամբութեան առթիւ 1863 թ.: Արեւմտեան Եւրոպայի կուլտուրական ժողովրդների աւանդական սիմպատիաները դէպի լեհ ժողովուրդը ուժեղ արտայայտութիւն ունեցան ամենից առաջ եւրօպական պրօլետարիատի մէջ:

1863 թ. յուլիսի 23-ին կայանում է Լոնդոնում մի մեծ միտինգ անգլիական և ֆրանսիական բանուորների ձեռներէցութեամբ յօգուտ յեղափոխական լեհ ժողովրդի, որ ազատագրական ծանր կռիւ էր մղում ուսական բռնակալութեան դէմ: Այդ նոյն միտինգին, մտքերի շփման այդ կենդանի բուպէներին, միտք է յղանում բանուորների մէջ հիմնելու պրօլետարիատի մի միջազգային միութիւն: Ընտրուեւ է մի յանձնաժողով, որը կոչ է ուղղում Ֆրանսիայի բանուորներին միանալու միջազգային հողի վրայ՝ պաշտպանելու համար շահագործող աշխատանքի շահերը: «Ամեն անգամ—ասում է կոչը—եւր անգլիական բանուորութիւնը կուում է իր օրավարձը բարձրացնելու կամ աշխատանքի ժամերը կրճատելու համար, սպառնում են անգլիական կապիտալիստները աշխատանքի օտար ոյժերի ներմուծումով՝ Ֆրանսիայից, Գերմանիայից, Բելգիայից և ուրիշ երկրներից: Կապիտալիստները օգտուելով միջազգային բանուորների միաբան ու համերաշխ գործակցութեան բացակայութիւնից, կասաղի մրցութեան ասպարէզ են բաց անում նրանց համար»⁴³⁾:

Դրանով հիմք է դրւում Մարքսի յայտնի «Միտերնացիոնալը»—«The Working Mens International Assoziation» («Միջազգային բանուորական խմբակցութեան») — սաղմային սկզբընաւորութեան: Անհրաժեշտ է փոքր ինչ երկար ծանրանալ «Միտերնացիոնալի» վրայ, որովհետեւ դա Մարքսի սօցիալ-քաղաքական գործունէութեան մի փառահեղ հատուածն է կուսական:

⁴³⁾ Fr. Mehring «Geschichte der deutschen Sozialdemokratie» հատ. III, էր. 169.

Ոմանք թիւրիմացօրէն բացատրում են, որ «Խնտերնացիօնալի» հիմնադրութեան իսկական պատճառները եղել են Լօնդօնի համաշխարհային ցուցահանդէսը և լինական ասպտամբութեան համար կազմուած միտինգը: Դա մի միամիտ կարծիք է, պատմական երևոյթների ծագման աղբիւրները չհասկացուած դատողութիւն է բերողերական քննադատների կողմից:

«Խնտերնացիօնալի», որպէս կազմակերպուած, գիտակից ու մարտնչող պրոլետարիատի միջազգային համախմբման միտքն ու անհրաժեշտութիւնը յղացել և արտայայտութիւն է ունեցել դեռ 40-ական թուականների վերջերին՝ յանձինս «Կոստենիստական Միութեան»: 60-ական թուականների «Խնտերնացիօնալը» «Կոմունիստական Միութեան» մտրի լրացումը, ըստմանով թեման ամբողջացումն է, նրա աստիճանական զարգացման հասունացած արդիւնքն է, ուրիշ ոչինչ: Եւ իբրեւ այդպիսին, «Խնտերնացիօնալը» պիտի առաջ դար իր հերթին պատմական անհրաժեշտութեամբ: Լոնդոնի համաշխարհային ցուցահանդէսն ու լինական միտինգը եղել են լոկ աոյիթներ, երկրորդական նպաստաւոր պարագաներ, «Խնտերնացիօնալը» գլուխ բերելու համար, ուրիշ ոչինչ:

Ծանձնաժողովի արձակած կոչը ոգևորում է Փարիզի բանուորներին այն աստիճան, որ նրանք շտապով ձեռնարկում են փողի հանգանակութեան և ի պատասխան Լոնդոնի բանուորների գրութեան, ուղարկում են այնտեղ մի առանձին պատգամաւորութիւն: 1864 թ. սեպտեմբերի 28-ին յանձնաժողովը ձեռնարկում է մի մեծ միտինգի Ս.-Մարտինի ժողովարանում, բաղկացած ընդ 50 առաջնակարգ երկրների բանուորներից—անգլիացիներ (50 պատգամաւորներ), գերմանացիներ (10 պատգ.), Ֆրանսիացիներ (9 պատգ.), իտալացիներ (6 պատգ.) լեներ (2 պատգ.). և այլն: Միտինգի նախագահն էր պրոֆեսոր Բեսլին, Լոնդոնի մի յայտնի ֆիլանթրոպ, որ իր նաւակներով և յօդուածներով, իր վառվռուն ճառերով միշտ պաշտպանել է բանուորական շահերը և պայքարել մանչեստերեան բուրժուազիայի դէմ: Միտինգում արտասանած բոլոր ճառերը ունէին միօրինակ ընդհանուր տենդենցը—որքան կարելի է շուտ և ամուր հիմքերի վրայ կառուցանել մի միջազգային բանուորական միութիւն՝ հսկելու և պաշտպանելու պրոլետարիատի միջազգային շահերն ու քաղաքականութիւնը: Նստացած շարքերով, կազմակերպուած ոյժերով եւ գիտակից զէնքերով կռուել միջազգային պատմական մեծ թշնամու դէմ—բուրժուազիայի կապիտալիստական շահագործութեան և քաղաքական տիրապետութեան ու ճնշումների դէմ: Դա ժամանակի հասունացած պահանջ էր,

պէտք է արտայայտուէր վաղ թէ ուշ: Միտինգը ընտրուած է իր միջից մի կօմիտէ, որ մշակէ «Խնտերնացիօնալի» կանոնադրութիւնը և այն յաւերժացնող մի տօնական ձօն—«Inauguraladresse»: Այդ կօմիտէի մէջ է լինում ի միջի այլոց և Մարքսը:

Պէտք է խոստովանել որ «Խնտերնացիօնալի» հիմնադրութեան գործում մեծ դեր է խաղացել անգլիական քանուորութիւնը: Ոչ միայն այն պատճառով, որ հիմնադրութեան և ընդհանուր մարմնի տեղն ու նիստը լինելով Անգլիայում, տեղական քանուորութիւնը անհրաժեշտօրէն մեծ ներկայացուցչութիւն է ունեցել միտինգում, այլև գլխաւորապէս և հիմնապէս այն պատճառով, որ անգլիական պրոլետարիատի մեծ մասամբ փորձուած ու հմուտ ներկայացուցիչները—բազմաթիւ գործնական գլուխներ տրէդունի նիստերից—ուժեղ զարկ են տուել «Խնտերնացիօնալին» և նրա ղեկավարութիւնը դրեթէ փաստապէս իրանց ձեռքն առել: Տրէդունիօնիստները—ամբողջ եւրոպայում միակ ուժեղ կազմակերպութիւնը տնտեսական հոգի վրայ—կենսապէս շահագրգռուած էին, որ ցամաքային եւրոպայի քանուորութիւնը ևս կազմակերպուէ և գէմ գնէ իր հաւաքական ուժերը կապիտալիստական շահագործութեան, որպէսզի Անգլիայի պրոլետարիատը այնքան չտուժէ կապիտալիստների նիւմուծած քանուորների կատաղի մրցութեան ազդեցութեան ներքոյ: Թէ որքան են օգնել ու նպաստել արէդունիօնիստները «Խնտերնացիօնալի» հիմնադրութեան և առաջ խաղացման գործին, դա վկայում է նոյնիսկ ինքը Մարքսը: 41)

Դարձեալ կենտրոնական տեղ է զբաղում Մարքսը: Այն մարդը, որ 40 տական թուականներին տոն էր տալիս «Կոմունիստական Միութեան» գործնէութեան, որ հաստատել, տեսականապէս հիմնադրել էր «Միութեան» գոյութիւնը, այժմ նոյն այդ ուժեղ ու անսասան տիպը նմանօրինակ դեր խաղում է «Խնտերնացիօնալի» մէջ: Մարքսն էր, որ մշակեց կանոնադրութիւնը, նա էր, որ գրեց յայտնի «Խնտեզուրալ ադրեսը» (Զօնեալ հասցէն) «Խնտերնացիօնալի» համար:

17 տարի առաջ, երբ Մարքսն ու Էնգելսը հիմք էին դնում «Կոմունիստական Միութեան»՝ մանիֆեստի ստուերագծած սկզբունքների վրայ, այլ էր ժամանակի պահանջն ու շըր-

41) Տես Մարքսի նամակը ուղղած Քուդելմանին («Neue Zeit» XX տարի, հատ. II, էր. 31): «Խնտերնացիօնալը»—ասում է Մարքսը—կամ աւելի շուտ՝ նրա ընդհանուր կօմիտէն շատ կարեւոր մարմին է, որովհետեւ այդտեղ մասնակցում են անգլ. տրէդունիօնիստների պարագլուխները:

Ջապատ յարաբերութիւնները, քան 17 տարի յետոյ, «Ինտեր-նացիօնալի» հիմնադրութեան օրով: Առաջ ընտրեալներէ մի ընկերութիւն էր, իր պրօպագանդիստական գործունէութեամբ, յեղափոխական ձգտումներով՝ դէպի յեղափոխութեան թուացող մօտալուտ գալուստը: 17 տարի յետոյ, ընդհանառակը, ժամանակի հրամայական կարիքը ստիպում էր կողմակերպել և զիտակցական հողի վրայ դնել մասնաշաղկապ շարժումը՝ ժամանակակից միջազգային բանտարոյթեան, ընդգծել դասակարգային կռուի անշեղ ճանապարհներ ու գործնական նպատակներ: Մարքսը կարիք չունէր «Ինտելեկտուալ ազդեցի» մէջ պատմափիլիսոփայական ունիվերսալ գիտողութիւններով խոշոր հեռանկարներ բացանելու, ինչպէս «Կոմ. մանիֆեստի» մէջ էր, այլ նա բաւականացել է միայն մերկ իրողութիւնները շօշափելով և լուսաբանելով մի այնպիսի ժամանակ, երբ հետզհետէ կապիտալիստական շահագործութիւնը հասնում էր իր ճշնշիւ ու այլասեւող աստիճանին:

Մարքսի պատմական այդ յայտնի յիշատակագիրը սկսում է իր գիտողութիւնները նրանով, որ բանուոր դասակարգի տոտալիտը կարիքը ոչ թէ նուազել է 1848—64 թ., այլ ընդհանառակը աճել է, չնայելով արդիւնագործութեան և առևտրի անօրինակ բարգաւաճման հէնց այդ շրջանում: Իբրև աչք ծակող փաստ նա առաջ է բերում «Կապոյտ գրքերի» զարհուրելի վիճակագրութիւնը՝ անգլիական բանտարոյնների թշուառ կացութեան վերաբերեալ և համեմատում ունեւոր դասակարգերի անչափ հարստութեան և ոյժի աճման հետ, որոնց համար այնքան պերճախօս փաստեր էր բերում ֆինանսական միլիարդ Գլադստոնը իր ճառի մէջ՝ արտասանած բիւզէի առթիւ: Ամենից առաջ և ամենից շատ Անգլիայում է, որ պրոլետարիատի ծայրայեղ թշուառութիւնն ու այլասեւումը հասել է հրէշային չափերի, որովհետև Անգլիան է, ուր կապիտալիստական շահագործութիւնը ամենից արագ այնքան ծաւալուել ու խորացել է: Այդ թշուառութեան ու այլասեւման տենդենցը նկատելի է միև երկրներում ևս այնքան, որքան դարդանում, յառաջադիմում է կապիտալիստական արդիւնաբերութիւնը և դրանից անբաժան երեւոյթների շարքը՝ «Այդ բոլոր երկրներում—ասում է «Ինտերնացիօնալի» «Ինտելեկտուալ ազդեցի»—արդիւնագործութեան զարգացումն ու ներմուծող և արտահանող ապրանքների առևտուրի ծաւալումը հասել են անսովոր չափերի: Բոլոր տեղերում ոյժն ու հարստութիւնը իրանց թափով ու քանակով կենտրոնացել են սեփականատէր դասակարգերի ձեռքը:

«...Ամենուրեք խորասուզում է աշխատաւոր դասակարգերի խոշոր զանգուածը աւելի ու աւելի խոր թշուառութեան գիրկը, առնուազը այն չափով, որ չափով վերին դասակարգերը բարձրանում էին իրանց սօցիալական դիրք ու աստիճանով: Բրիտանական թագաւորութեան մայրաքաղաքում սովամահ վիճակը դարձել է գրեթէ մի սոցիալական ինստիտուցիա այն ժամանակ, երբ տնտեսական յառաջադիմութիւնը նոր դարաշրջան է բաց արել պատմական կեանքի մէջ:»⁴⁵⁾

Այս «Ինտերնացիոնալի» յաւերժագիրը պատկերացնում է մօտիկ անցեալի ու ներկայի դրութիւնը: Նա կրքով, զայրոյթով ու դառն շնչառութեամբ նկարագրում է յիստերիկական թուականների հակայեղափոխութեան կործանիչ ներգործութիւնն ու այլանդակ հետեւանքները աշխատաւոր մասսաների վրայ: Ճամաքային Նւրոպայի պրոլետարիատի անկումը իր ներգործական հետեւանքներն է թողել նաև ջրանցքի միւս ափին գտնուող բանուորների վրայ, դիմադրութեան ու չզիջանելու ոյժ ներշնչելով գործարանական թէ կալուածատիրական լորդերին: Միայն երկու խոշոր իրողութիւններ է յիշատակում Մարքսը իր «Երկրորդական» մէջ, որոնք որպէս լուսաւոր գծեր մխիթարական պատկերի դրօշմ են կնքում ամբողջ շրջանի մութ ու սև էջերի վրայ:

Նախ տասը ժամեայ աշխատանքի օրինագիծը (Zehnstundenbill) Անգլիայում, որ իր բարերար հետեւանքներով մի մեծ յաղթութիւն է հռչակում Մարքսը անգլիական բանուորների համար: Այդ օրինագիծը համարում է նա որպէս «սկզբունքի մի յաղթանակ»: Աշխատանքի ժամանակի կրճատման համար մղուելիք կռիւը հարկադրում է պետութեան ուղղակի միջամտելու այդ կռուի պրօցեսին, որ կոչուած է բեկանելու առաջարկե պահանջ կոչուած օրէնքների կոյր կանոնը: Այդ օրէնքները կազմում են ըուրժուագիւյթի քաղաքատնտեսութեան էութիւնը: Մինչդեռ սօցիալական հոգատարութեամբ կանոնաւորուող արդիւնաբերութեան օրէնքները կազմում են այն քաղաքատնտեսութեան էութիւնը, որը պաշտպանում է բանուորը դասակարգի շահերը: «Եւ հէնց այդ պատճառով—ասում է Մարքսը իր ագրէսի մէջ—տասը ժամեայ աշխատանքը ոչ միայն մի մեծ գործնական յաջողութիւն է, այլ և նա մի սկզբունքային յաղթանակ է. առաջին անգամ օրը ցերեկին են-

⁴⁵⁾ Gustav laeckh, «Die Internationale», եր. 27.

թարկուեց ու ընկճուեց բուրժուազիայի քաղաքատնտեսութիւնը բանուոր դասակարգի քաղաքատնտեսութիւնից»⁴⁶⁾

Երկրորդ դեռ աւելի մեծ յաջողութիւնը, որ Մարքսը այնքան ջերմ տողերով դրուատում է, կազմում է աշխատանքի քաղաքատնտեսութեան յաղթանակը կապիտալի քաղաքատնտեսութեան դէմ: Դա կօօպերատիւ ձեռնարկութեան էքսպերիմենտն է. մի սկզբունքի յաղթանակ զուտ գործարանական կեանքում, բանուորների ձեռնբեցութեամբ, առանց պետութեան և օրէնսդրական մարմնի միջամտութեան: Այդ սօցիալական էքսպերիմենտների արժէքը կայանում է ըստ Մարքսի հետեւալով՝ «կօօպերատիւ ձեռնարկութիւնները ցոյց են տալիս իրապէս, որ արդիւնաբերութիւնը կարող է մեծ չափով և արդի գիտութեան առաջարկած միջոցներով տեղի ունենալ, առանց ձեռնարկուների (կապիտալիստների) մի առանձին դասակարգի գոյութեան, որ իր կողմից գործելու տեղ է տալիս բանուորների դասակարգին: Նրանք ցոյց են տալիս, որ աշխատանքի միջոցները արդիւնքներ, պտուղներ տալու համար, կարիք չունեն որպէս տիրապետութեան և շահագործութեան գործիքներ՝ ընդդէմ աշխատաւորների, մենավաճառ լինելու. և որ վարձու աշխատանքը, ստրկական, ինչպէս և ճորտական աշխատանքը միայն անցողակի և ստորադաս մի ձև է, որը՝ թեքուած դէպի կործանումը, պիտի անդարձ չքանայ զուգորդուած աշխատանքի առաջ, իսկ վերջինս կը կատարէ իր դժուար խնդիրը կամաւոր ձեռքով, ուրախ սրտով և հեշտ մտքով»⁴⁷⁾

Այս երկու երևոյթները, ինչպէս ասացինք, Մարքսը կամ «Խնտերնացիօնալի» «Խնաուզուրալ հասցէն» գնահատում էր սկզբունքային տրոժէի և գործնական տեսակէտից: Սակայն թող ընթերցողը ամենևին սխալ չհասկանայ այդ բերած ցիտատները և չեզրակացնէ դրանից, որ Մարքսը իբր տարուած էր ըէֆօրմիզմով 60-ական թուականներին: Մէկ թէ միւս երևոյթի արժէքը գնահատում էր Մարքսը իբրև լոկ դեմօկրատական բարենորոգումների և իրերի ընթացքի սօցիալականացման պատմական տենդինցիա: Միջոցներ, որոնք հարթում ու դիւրացնում են պրօլետարիատի դասակարգային կռուի պատմական ուղին, նպաստում նրա շատափոյթ առաջխաղացման, յաջող ընթացքին: Մարքսը հէնց նայն հասցէի մէջ աւելացնում է, որ կօօպերատիւ աշխատանքը, լինելով սահմանափակ և

⁴⁶⁾ Ibid, էր. 27-28.

⁴⁷⁾ Fr. Mehring, «Geschichte der deutschen Sozialdemokratie» հատ. III, էր. 173.

երբեմնակի փորձեր սակաւաթիւ բանուորներէ, չի կարող երբէք մըցել ու յաղթել կապիտալիստական ժոնտայօրի գէմ: Կապիտալիստական մեծավաճառ շահագործութիւնը կը վերջանայ միայն քաղաքական ոյժի գրաւման, նուաճման միջոցով բանուորներէ կողմից: Այդ պատճառով է հէնց, որ «Խնտերնացիօնալը» իր ամբողջ գործնականութեամբ և ձգտումներով նուիրած էր բանուոր դասակարգի քաղաքական կազմակերպութեան ու դաստիարակութեան:

«Զօնալ հասցէն» («Խնտագուրալ ազրիսը») շեշտելով քաղաքական ոյժի նուաճման արհրաժեշտութիւնը, յիշատակում է այն փաստը, որ այժմեանից իսկ պրօլետարական դասակարգերը իրանց սեփական տերիտօրիայում քաղաքականապէս կազմակերպուելով, ընթանում են նոյն գիտակից ուղղութեամբ և դէպի նոյն պարզ ու անշղջ նպատակը: Անգլիայում, Գերմանիայում, Իտալիայում և Իտալիայում կազմակերպուած բանուորական կոոպացիութիւնները գործում են նոյն ոլով և ձգտումներով: «Նրանք պարունակում են իրանց մէջ յաջողութեան մի տարրը—թուերը, թուական մեծութիւնը. սակայն թուերը միայն այն ժամանակ են ունենում ծանրակշիռ նշանակութիւն, երբ նրանք օղակուած են լինում մի ուրոյն միութեան մէջ և ընթանում են դէպի մի պիտակից նպատակ»: Հէնց ինքը «Խնտերնացիօնալը» պէտք է դառնայ այդ շարկապող, ամուր օղակող միութիւնը բոլոր դաս-դաս ազգային կազմակերպութիւնների: Դրանից պարզ երևում է, որ «Խնտերնացիօնալի» հիմնադրութեամբ ոչ միայն չեն վերանում՝ բոլոր քաղաքակիրթ երկրների ազգային բանուորական կազմակերպութիւնները, այլ ընդհակառակը նրանք անընկճելի կապերով զուգորդուած են միջազգային նողի վրայ միջազգային կազմակերպութեամբ: Պրօլետարիատի ազգային կազմակերպութիւնը լրացնում, ամբողջացնում է միջազգային կազմակերպութեամբ:

Այնուհետև «Զօնը» կանգ է առնում պրօլետարիատի արտաքին քաղաքականութեան վրայ: Հէնց նոյն ժամանակամիջոցում տեղի ունեցող ներու արիւնահեղ դէպքերի նկատմամբ «Խնտերնացիօնալի» արտայայտած դիրքը պարզ տպացոյց է, թէ ինչպիսի սկզբունքային վերաբերմունք ունի պրօլետարիատի միջազգային կազմակերպութիւնը դէպի արտաքին այս կամ այն քաղաքական խնդիրն ու երևոյթը: Այդ դէպքերն էին Անմերիկայի քաղաքացիական կռիւը և լինական ապստամբութիւնը, բունի ճնշումները Կովկասում: «Խնտերնացիօնալի» ձօնը կրակոտ բողոքներ է արձակում ֆէօդալ-բուրժուական կա-

նախարութիւնների ադ ընտակալական ճնշումները դէմ: «Անդիմադիր ճնշումներն ու յարձակումները այն բարրարոսական ոյժի — ասում է Ջօնը — որի գլուխը նստած է Կետերբուրգ, իսկ ձեռքերը գործում են հարոպական բոլոր դիւանագիտական կարիւնետներում, պարտաւորեցնում են բանուոր դասակարգներին, հետամտելու միջազգային պետական արուեստի խորհրդին, հսկելու կառավարութիւնների ղիպլումատիական խտրողների վրայ, կարևոր դէպքերում նրանց դիմադրելու, իսկ անհնարին դէպքերում միանալու հասարակական ցասմանն ու բողոքին և յայտարարելու բարոյականութեանն ու իրաւունքի տարրական օրէնքները, որոնք կանոնաւորում են ինչպէս անհատների յարաբերութիւնները, այնպէս էլ կազմում են ազգերի փոխադարձ առնչութեան ամենարարձր օրէնքները: Այդ կարգի արտաբին քաղաքականութեան համար միշտող կոյր կազմում է աշխատատուր դասակարգների ազատագրութեան ընդհանուր կոուի մի մասը» 48) (հօտրգիբը մերն է):

Ջօնի վերոյիշեալ տողերից պարզ երևում է, որ կազմակերպուած մարտնչող պրոլետարիատը ոչ միայն իր սկզբունքային դիրքն ու վերաբերմունքը պիտի ունենայ դէպի բուրժուական պետութիւնների արտաքին քաղաքականութեան այս կամ այն երևոյթը, այլ և պիտի անպայման բողոքէ ու կոուէ կառավարութիւնների բոլոր ընտակալական ձգտումների ու ճնշումների դէմ, ուղղուած լինեն դրանք ցեղի, ազգի, կրօնի, սեռի թէ դասակարգի դէմ, այդ միևնոյն է:

Միջազգային բանուորական խմբակցութեան «Ջօնեալ Հատցէն» վերջանում է նոյն ժարտական կոչով, ինչպէս տարիներ առաջ «Կոմունիստական Մանիֆեստը» — «Պրոլետարներ բոլոր երկրների, միացէք»:

Ք. Իշխանեան

(Կը շարունակուի)